

LUTRIJA BOSNE I HERCEGOVINE d.o.o. Sarajevo
NADZORNI ODBOR

Na osnovu člana 22. i člana 30. Zakona o igrama na sreću („Sl. novine FBiH”, broj 48/15 i 60/15) i člana 22. Statuta Lutrije Bosne i Hercegovine d.o.o. Sarajevo („Sl. novine FBiH”, broj 95/15), Nadzorni odbor Lutrije Bosne i Hercegovine na sjednici održanoj dana 23.10.2024. godine, donio je

PRAVILA O IZMJENAMA I DOPUNAMA
PRAVILA IGARA NA SREĆU LOTO 6/39 I JOKER

Član 1.

U Pravilima igara na sreću LOTO 6/39 i Joker, br. 01-19-2664-4/22 od 24.10.2022. godine, br. 01-26-955-3/23 od 16.05.2023. godine i br.01-29-1759-3/23. od 12.09.2023. godine, u članu 16. stav 2. mijenja se i glasi:

„Nakon izvučenih 6 brojeva, izvlači se i još jedan dopunski broj, koji služi za utvrđivanje dobitaka druge, četvrte i šeste vrste dobitaka igre Loto 6/39.“

Član 2.

U članu 17. pod a) mijenja se i glasi:

„a) Na običnom pomoćnom listiću se nalazi 10 skupnih polja. Skupno polje sačinjavaju kvadratići s odštampanim brojevima od 1 do 39. Svaka ispravno popunjena skupina polja predstavlja pojedinačnu kombinaciju. Pomoćni listić za pojedinačno odigravanje kombinacija se popunjava tako što se u pojedinom skupnom polju znakom „x“ označava šest brojeva.”

Član 3.

Član 18. mijenja se i glasi:

“Cijena jedne kombinacije za učestvovanje u igri LOTO 6/39 u jednom kolu iznosi 1,00 KM po kombinaciji kod uplate kombinacija putem običnog i sistemskog listića. Prilikom uplate, jednom kombinacijom se smatra odabrana kombinacija od 6 brojeva.

Cijena jedne kombinacije kod uplate putem parcijalnog sistemskog listića iznosi odgovarajući postotni iznos od 1,00 KM.

Cijene jedne kombinacije igre LOTO 6/39 za ponuđene postotke kod parcijalnog sistemskog listića igre LOTO 6/39 su:

- Ukoliko je odabran postotak od 10% tada cijena jedne kombinacije igre LOTO 6/39 iznosi 0,10 KM.

- Ukoliko je odabran postotak od 20% tada cijena jedne kombinacije igre LOTO 6/39 iznosi 0,20 KM.
- Ukoliko je odabran postotak od 30% tada cijena jedne kombinacije igre LOTO 6/39 iznosi 0,30 KM.
- Ukoliko je odabran postotak od 40% tada cijena jedne kombinacije igre LOTO 6/39 iznosi 0,40 KM.
- Ukoliko je odabran postotak od 50% tada cijena jedne kombinacije igre LOTO 6/39 iznosi 0,50 KM.
- Ukoliko je odabran postotak od 60% tada cijena jedne kombinacije igre LOTO 6/39 iznosi 0,60 KM.”

Član 4.

Član 21. mijenja se i glasi:

„U igri LOTO 6/39 postoji sedam vrsta dobitaka, koje se utvrđuju na temelju izvučene dobitne kombinacije pojedinog kola i to :

- dobitak prve vrste „Jackpot ili šestica“ - ako je na potvrdi, u pojedinačnoj kombinaciji, pogođeno svih šest izvučenih brojeva dobitne kombinacije („6“);
- dobitak druge vrste „petica + dopunski broj“ - ako je na potvrdi, u pojedinačnoj kombinaciji, pogođeno pet od šest izvučenih brojeva dobitne kombinacije i dopunski broj („5 + 1“);
- dobitak treće vrste „petica“ - ako je na potvrdi, u pojedinačnoj kombinaciji, pogođeno pet od šest izvučenih brojeva dobitne kombinacije („5“);
- dobitak četvrte vrste „čtvorka + dopunski broj“ - ako je na potvrdi, u pojedinačnoj kombinaciji, pogođeno četiri od šest izvučenih brojeva dobitne kombinacije i dopunski broj („4 + 1“);
- dobitak pete vrste „čtvorka“ - ako je na potvrdi, u pojedinačnoj kombinaciji, pogođeno četiri od šest izvučenih brojeva dobitne kombinacije („4“);
- dobitak šeste vrste „trojka + dopunski broj“ - ako je na potvrdi, u pojedinačnoj kombinaciji, pogođeno tri od šest izvučenih brojeva dobitne kombinacije i dopunski broj („3 + 1“);
- dobitak sedme vrste „trojka“ - ako je na potvrdi, u pojedinačnoj kombinaciji, pogođeno tri od šest izvučenih brojeva dobitne kombinacije („3“);

U jednoj kombinaciji se ostvaruje samo jedna vrsta dobitka, tako da dobitak više vrste isključuje dobitak niže vrste.

Fond dobitaka u igri LOTO 6/39 dijeli se kako slijedi:

- | | |
|--|-------------------------|
| - fond prve vrste „Jackpot ili šestica“ dobitaka tekućeg kola; | - 16,50 % fonda |
| - fond druge vrste „petica + dopunski broj“ tekućeg kola; | - 5,50 % fonda dobitaka |
| - fond treće vrste „petica“ dobitaka tekućeg kola; | - 14,50 % fonda |
| - fond četvrte vrste „čtvorka + dopunski broj“ tekućeg kola; | - 2,80 % fonda dobitaka |

- fond pete vrste „čtvorka“ - 22,50 % fonda dobitaka tekućeg kola;
- fond šeste vrste „trojka + dopunski broj“ - 6,20 % fonda dobitaka tekućeg kola;
- fond sedme vrste „trojka“ - 32,00 % fonda dobitaka tekućeg kola.

Iznos pojedinačnog dobitka utvrđuje se tako da se fond dobitaka namijenjen za tu vrstu dobitaka podijeli ukupnim brojem dobitaka te vrste.

Priredivač garantuje dobitak sedme vrste „trojka“ u minimalnom iznosu od 5,00 KM. Priredivač će iznos razlike nadoknaditi iz fonda neisplaćenih dobitaka, odlukom direktora.

Broj svih dobitaka ostvarenih putem uplate parcijalnih sistemskih listića učestvuje u raspodjeli dobitaka tako da se taj broj prvo pomnoži sa postotkom uz koji je listić uplaćen, te nakon toga taj dobiveni broj učestvuje u raspodjeli.

Npr. ako je ostvaren dobitak „šestica“ na parcijalnom sistemskom listiću od 10% tada u raspodjeli fonda dobitaka prve vrste taj dobitak učestvuje kao 0,1 dobitak (jedna desetina dobitka šestica).

Ako u pojedinom kolu nije utvrđen dobitak „šestica“, onda se ukupan fond dobitaka za „šesticu“ prenosi u sljedeće kolo u fond za „šesticu“ (JackPot).

Ako je u pojedinom kolu broj utvrđenih dobitaka „šestica“ veći od 0 a manji od 1 (ostvaren parcijalni dobitak), onda se ostatak fonda dobitaka za „šesticu“ prenosi u sljedeće kolo u fond za „šesticu“ (JackPot).

Ako u pojedinom kolu nije utvrđen dobitak „petica + dopunski broj“, onda se ukupan fond dobitaka za „peticu + dopunski broj“ prenosi u sljedeće kolo u fond za „peticu + dopunski broj“.

Ako je u pojedinom kolu broj utvrđenih dobitaka „petica + dopunski broj“ veći od 0 a manji od 1 (ostvaren parcijalni dobitak), onda se ostatak fonda dobitaka za „peticu + dopunski broj“ prenosi u sljedeće kolo u fond za „peticu + dopunski broj“.

Ako u pojedinom kolu nije utvrđen dobitak u nekoj od treće do šeste vrste dobitaka, onda se fond za tu vrstu dobitaka raspoređuje u sljedeću nižu vrstu dobitaka.

Ako je u pojedinom kolu broj utvrđenih dobitaka u nekoj od treće do šeste vrste dobitaka veći od 0 a manji od 1 (ostvareni parcijalni dobitci), onda se ostatak fonda za tu vrstu dobitaka raspoređuje u sljedeću nižu vrstu.

U jednoj kombinaciji se ostvaruje samo jedna vrsta dobitka, tako da dobitak više vrste isključuje dobitak niže vrste.

Ukoliko je vrijednost dobitka više vrste niža od vrijednosti dobitka niže vrste, ti fondovi se zbrajaju i dijele sa ukupnim brojem dobitaka više i niže vrste.“

Član 5.

Tačka 6.5. i član 23a. mijenjaju se i glase:

“6.5. SPECIJAL kolo igre na sreću LOTO 6/39

Svake zadnje subote u mjesecu priređuje se SPECIJAL kolo igre na sreću LOTO 6/39, u kojem će kompletan fond dobitaka tog kola biti podjeljen igračima.

Direktor donosi Odluku o načinu priređivanja i eventualnim dodatnim dobicima SPECIJAL kola igre na sreću LOTO 6/39.“

Član 6.

Član 33. stav 2. mijenja se i glasi:

„Zapisnik o izvlačenju Priređivač dostavlja Ministarstvu finansija u roku od sedam dana od dana izvlačenja.“

Član 7.

Ostale odredbe Pravila igara na sreću LOTO 6/39 i Joker ostaju nepromjenjene.

Član 8.

Ove izmjene i dopune pravila primjenjuju se danom objavljivanja u jednoj od dnevnih novina.

Broj: 01-5-1986-2/24.
Dana: 23.10.2024. godine

VD PREDsjedNIK
Miroslav Ćorić, s.r.